



Gebyr og tilsynsavgift på alkohol- og tobakkområdet 2021

Gebysatsar for sals- og skjenkeløyve

- Kommunen følger til ei kva tid gjeldande statleg gebysats for faste sals- og skjenke løyve og ambulerande/einskild løyve som er regulert i alkoholforskrifta § 6.2.
- Gebysatsane vert årleg regulert av Helsedirektoratet.

Tilsynsavgift for salsstader for tobakksvarar

- Tilsynsavgift for salsstader for tobakksvarer og tobakkssurrogater er kr. 3150,- pr. år.
- Tilsynsavgift for mellombelse salsstader for tobakksvarer er kr. 630,- pr. år

Gebysatsar og tilsynsavgift er gjeldande frå 01.01.2021

Eigendel for helse- og omsorgstenester 2021

Kommunestyret vedtek og justerar eigendelsatsane for helse- og omsorgstenester ein gong i året. Unntak gjeld for satsane som vert fastsett av staten ved årsskifte kvart år. Alle eigendelsatsane gjeld frå 1. januar kvart år.

Kommunen vedtek satsane med heimel i helse- og omsorgstenestelova § 11-2 og forskrift om eigendel for kommunale helse- og omsorgstenester, kapittel 1 og kapittel 2.

Dei kommunale satsane er sjølvkost og blir justert årleg i tråd med konsumprisindeksen. Satsane til sjølvkost blir rekna på nytt første år av ny kommunestyreperiode, deretter vert dei indesregulert kvart år for resten av perioden.

Rådmannen har mynde til å gjere unntak frå eigendelsatsane i enkelttilfeller. Unntak kan gjerast dersom det føreligg særlege omstende, mellom anna i tilfelle kor brukaren ikkje har tilstrekkeleg til å dekke egne behov eller bære sitt ansvar som forsørgar jf. forskrift om eigendel for kommunale helse- og omsorgstenester § 9. Spørsmål om unntak skal rettast til forvaltningskontoret.

Opphald i institusjon

- Prisen for kortidsopphald per døgn vert fastsett av staten.
- Ved kortidsopphald over 60 døgn betaler du det same som ved langtidsopphald.
- Prisen på langtidsopphald er ulik frå brukar til brukar, og blir fastsett etter kva økonomi du har. Reknestykket vert gjort i tråd med forskrifta, kapittel 1.
- Maksprisen på eit langtidsopphald i sjukeheim er 81600 kroner per måned og i Radøy interkommunale busenter 108 600 kr per måned.
- Dersom du er ektefelle, sambuar eller registrert partnar med ein pasient og de bur saman i institusjon, så betaler du ein døgnats som er lik satsen for korttidsopphald.



Heimehjelp

Det er den samla inntekta til husstanden din som avgjer kor mykje du må betale for heimehjelp.

Inntekt	Timesats	Utgiftstak pr mnd
Samla inntekt under 2 G*	Statleg sats	Statleg sats
Samla inntekt 2-3 G	304 kroner	912 kroner
Samla inntekt 3-4 G	356 kroner	1 424 kroner
Samla inntekt 4-5 G	409 kroner	2 045 kroner
Samla inntekt over 5 G	461 kroner	2 766 kroner

*G = Grunnbeløpet i folketrygda

Velferdsteknologi

Tenesta er gratis for alle som får velferdsteknologi som erstatning for anna helsehjelp. Du skal heller ikkje betale for velferdsteknologi om inntekta di er lågare enn 2G og du allereie betalar statleg sats for heimehjelp. For andre er det fastsett betalingssatsar.

Inntekt	Månadspris
Inntekt under 2 G*	Statleg sats
Inntekt over 2 G	450 kroner

*G = Grunnbeløpet i folketrygda

Måltid og transport til dag-, aktivitets- og arbeidssenter, etter vedtak

- Transport til og frå, og måltid på dag- og aktivitetssenter for eldre kostar 183 kroner per dag. Dette dekkjer frukost (50 kr. per porsjon), middag (80 kr. per porsjon), dessert (13 kr. per porsjon) og transport (40 kr. per dag)
- For deg som berre skal ha transport til og frå dag-, aktivitets- og arbeidssenter kostar det 40 kroner per dag

Måltid på lågterskel dag- og aktivitetssenter for psykisk sjuke, utan vedtak

- Frukost kostar 33 kroner per porsjon
- Lunsj kostar 50 kroner per porsjon
- Middag kostar 60 kroner per porsjon

Måltid på lågterskel dag- og aktivitetssenter for rusmisbrukarar (Stig Inn og Sjursehuset) er gratis.

Middag og levering heim

- Middag kostar 88 kroner per porsjon
- Halv porsjon med middag kostar 73 kroner
- Dessert koster 13 kroner

Frukost/lunsj/kveld og levering heim

- 50 kroner per porsjon

Felles kost/full kost i omsorgsbustad pluss

- Frukost, middag, kaffimat og kvelds i omsorgsbustad kostar 180 kroner per dag

Vaksine

Sjølvkost.



Utrekning av eigendel for helse- og omsorgstenester

Under er forklaring til framlegget til betalingssatsane for helse- og omsorgstenester i Alver kommune for 2021. Gebyr og tilsynsavgifter på alkohol- og tobakkområdet er ikkje omfatta.

Opphald i institusjon

Kor mykje ein skal betale for opphald i institusjon er regulert i forskrift om eigendel for kommunale helse- og omsorgstenester. Dette gjeld for langtidsopphald, korttidsopphald, dag- og nattopphald.

Ved korttidsopphald som har vart over 60 døgn per kalenderår betaler ein som ved langtidsopphald. Dvs. at betalingssatsen per døgn vert rekna ut i frå inntekta til pasienten frå døgn 61 av opphaldet og for resterande korttidsopphald ut 2021.

Det vert innført ein makspris på langtidsopphald per måned i Alver, basert på kurdøgnprisen i sjukeheimane og Radøy interkommunale busenter. Kurdøgnprisen er den reelle opphaldsutgiften per plass per døgn. Ingen pasientar skal betale meir enn kurdøgnprisen. Det er rekna ut ein felles gjennomsnittleg kurdøgnpris for sjukeheimane. Sjukeheimane har same type pasientar og tilnærma det same tilbodet. Det er rekna ut ein eigen kurdøgnpris for Radøy interkommunale busenter. Busenteret har ei anna pasientgruppe enn sjukeheimane, og drifta er organisert annleis enn ved sjukeheimane.

Heimehjelp

Betaling for heimehjelp er rekna ut etter regelen i § 9 i forskrift om eigendel for helse- og omsorgstenester § 9: «*Selvkost beregnes til en gjennomsnittlig timelønn for den tjenesten som utføres, tillagt sosiale utgifter samt administrasjonsutgifter som skal utgjøre 10 prosent av timelønnen og sosiale utgifter.*»

Til grunn for berekning av betalingssats for heimehjelp for 2021 ligg:

Timeløn for hjelpepleiar med 10 års ansiennitet og 35,5 timar per veke, som er kr 227,52.

+ Feriepenger x 12%

+ Pensjon x 13%

+ Arbeidsgjevaravgift x 14,1%

= timelønn: kr 316,47

I tillegg kjem administrasjonsutgifter: $316,47 \times 0,10 \% = 348 \text{ kr.}$

For 2021 er berekna sjølvkost for heimehjelp 348 kr. pr time.

Dette betyr at gjennomsnittleg timepris som kommunen tek skal vere 348 kr, slik at den totale eigenbetalinga kommunen tek for heimehjelp er basert på sjølvkost.

Timepris for heimehjelp bør vere tilpassa/gradert etter inntektsnivå. Det vert difor årleg fastsatt ein timepris for 5 inntektsgrupper. Inndelinga i grupper er basert på inntekt og grunnbeløp (G), samt forskriften sitt krav om at alle med inntekt under 2 G maks skal betale den statlege satsen.

Inntektsgruppene er:

Gruppe 1: Inntekt under 2 G (fastsett av staten)

Gruppe 2: Inntekt mellom 2 og 3 G

Gruppe 3: Inntekt mellom 3 og 4 G

Gruppe 4: Inntekt mellom 4 og 5 G

Gruppe 5: Inntekt over 5 G


Pris pr. time for gruppene er berekna slik:

Gjennomsnittleg timepris for dei fem inntektsgruppene skal bli 348 kr. Dette betyr at timeprisane for dei fem gruppene summert skal utgjere (348 kr x 5) 1 740 kr.

For dei med inntekt under 2 G er betalingssatsen bestemt av staten. For dei med inntekt i dei fire andre gruppene vert satsen bestemt av kommunen. Kommunen tek utgangspunkt i gjeldande statlege sats 210 kr for alle 4 gruppene, og legg til:

- 25 % av 210 kr. + 210 kr. for gruppe 2
- 50 % av 210 kr. + 210 kr. for gruppe 3
- 75 % av 210 kr. + 210 kr. for gruppe 4
- 100% av 210 kr. + 210 kr. for gruppe 5

Timepris per gruppe vert så summert og gir ein foreløpig timepris på 1 575 kr.

Differansen mellom 1740 kr. og 1575 kr. er 165 kr. Beløpet 165 kr. vert fordelt flatt på 4 (gruppe 2-5) som er 41,25 kr, og endeleg timepris per gruppe vert berekna.

Makspris pr måned per gruppe er berekna slik:

Gruppe 1: Inntekt under 2 G, vert fastsett av staten

Gruppe 2: Inntekt mellom 2 og 3 G, endeleg timesats x 3

Gruppe 3: Inntekt mellom 3 og 4 G, endeleg timesats x 4

Gruppe 4: Inntekt mellom 4 og 5 G, endeleg timesats x 5

Gruppe 5: Inntekt over 5 G, endeleg timesats x 6

Berekninga er vist i tabellen under:

Gr.	Inntekt	x % + 210	Foreløpig pris	+ kr	Endeleg pris	Makspris pr mnd
1	< 2 G		210		210	210
2	2-3 G	210 x 0,25 + 210	262,50	41,25	304	912 (302 x 3)
3	3-4 G	210 x 0,50 + 210	315	41,25	356	1 424 (356 x 4)
4	4-5 G	210 x 0,75 + 210	367,50	41,25	409	2 045 (409 x 5)
5	>5 G	210 x 100 + 210	420	41,25	461	2 766 (461 x 6)
	Sum		1 575	165	1 740	

Tabellen under viser betaling for heimehjelp i Alver for 2021. Det er ein auke på 5 kr pr time samanlikna med 2020:

Inntekt	Timesats	Utgiftstak pr måned
Samla inntekt under 2 G*	Statleg sats	Statleg sats
Samla inntekt 2-3 G	304 kr	912 kr
Samla inntekt 3-4 G	356 kr	1 424 kr
Samla inntekt 4-5 G	409 kr	2 045 kr
Samla inntekt over 5 G	461 kr	2 766 kr

*G = Grunnbeløpet i folketrygda



Velferdsteknologi

Tenesta er gratis for alle som får velferdsteknologi som erstatning for anna helsehjelp.

Dei som har velferdsteknologi som ein ekstra service frå kommunen må betale for tenesta. I desse tilfella reknast ikkje tenesta som helsehjelp. Ein slepp likevel å betale dersom inntekta er lågare enn 2G og ein allereie betalar statleg sats for heimehjelp. For andre er det fastsett betalingssatsar. Ein betaler ut frå eiga inntekt, og ikkje ut frå samla inntekt i husstanden. Prisar for 2021 er:

Inntekt	Månadspris
Inntekt under 2 G*	Statleg sats
Inntekt over 2 G	450 kroner

*G = Grunnbeløpet i folketrygda

Betalingssatsane ligg litt lågare enn sjølvkost for tenesta. Sjølvkost per brukar per måned er 489 kr. Berekninga for 2021 er basert på kostnader og talet brukarar som årleg er 320:

Kostnad	Kroner
Plattform	70 000
Support	40 000
Dataforbruk	200 000
Utstyrleige	500 000
Eksternt responscenter	170 000
2 årsverk til administrasjon	900 000
Sum kostnad	1 880 000
Sum kostnad per brukar (1 880 000/320)	5875 pr år/ 489 pr mnd

Eit viktig moment i tenesta velferdsteknologi er den førebyggjande effekten. Pris per måned må ikkje settast så høgt at brukarar som vil ha nytte av tenesta vel den vekk grunna høg pris. Forventninga til velferdsteknologi er at kommunen på lengre sikt vil kunne tene på at mange har velferdsteknologi, og at behovet for andre tenester då vert utsett eller behovet vert mindre i ein lengre periode. Dersom talet på brukarar aukar vil sjølvkost reduserast. Ut frå dette er vurdering at satsen ikkje bør aukast opp frå 450 kr pr mnd.

Dag, aktivitets- og arbeidssenter etter vedtak

Alver kommune har ulike senter med tilbod om dagopphald, aktivitet og arbeid. Vi har slike sentre for eldre, for personar med utviklingshemming, og for personar med psykiske helseutfordringer:

- Aktivitets- og arbeidssenteret Ner Kolås (målgruppe er brukarar innan psykisk helse)
- Dag- og aktivitetssenter for eldre med demens eller med fysiske funksjonshemmingar, i Knarvik, Alversund, Frekhaug og Manger
- Dag, -aktivitets- og arbeidssenter for personar med utviklingshemming /nedsett funksjonsevne i Knarvik og på Manger

For dei som har vedtak om plass på nemnde sentra er det også tilbod om kommunalt organisert transport, dersom ein treng transport til og frå for å kunne nyttiggere seg tilbodet. Det er i dag vanleg at eldre brukarar treng transport, medan brukarar som nyttar dei andre sentrane, anten går (med eller utan følge) eller tek seg fram og til tilbake sjølv.

Det er ulike praksiser kring måltid på sentra. På dagsentra for eldre vert måltid alltid servert, medan brukarar på andre sentra gjene har med nistepakke heimifrå, eller har eigne avtalte ordningar brukarar i mellom, som lunsjkasse og felles måltid av og til.

For dag- og aktivitetssentra for eldre koster transport og måltid 183 kroner per dag. Dette omfattar frukost (50 kr), middag (80 kr), dessert (13 kr) og transport tur/retur (40 kr).



Dersom ein berre skal ha kommunalt organisert transport til og frå dag, -aktivitet – og arbeidssenter kostar transport 40 kroner per dag. Grunnlaget for satsen er Skyss sine billettprisar med honnør (enkeltbillett honnør ein veg kostar 20 kr).

Lågterskel dag- og aktivitetssenter utan vedtak

Alver kommune har fleire lågterskel dagsentra for psykisk sjuke, kor ein kan komme for sosialt samver, samtale og måltid. Dagsentra har vi i Knarvik (Ankeret) og på Manger (Aktiv saman). Ein treng ikkje søke om plass, men kan komme og gå slik det høver. Under er prisane for måltid som kan kjøpast på dagsentra:

Måltid	Pris pr porsjon
Frukost	33 kr
Lunsj	50 kr
Middag	60 kr

Prisane er basert på sjølvkost, og omfatter den kostnaden avdeling psykisk helse og rus har med innkjøp av matvarer, i tillegg til ein administrasjonskostand på 10%.

Måltid på lågterskel dag- og aktivitetssenter for rusmisbrukarar (Stig Inn i Knarvik og Sjursethuset på Frekhaug) er gratis. Det er viktig med eit gratis lågterskel tilbod til rusmiddelavhengige. I følge Nasjonal Overdosestrategi (2019-2022) lever rusmiddelavhengige ofte liv som er uforenleg med planlegging og førebuing av ordentlege måltid. Det er godt dokumentert at mat og ernæring er avgjerande for kroppen sin evne til å tåle store indre og ytre påkjenningar. Langvarig rusmisbruk, og akutte og permanente infeksjonar påverkar i stor grad lyst og evne til å skaffe seg mat og kroppen sin utnytting av næringsstoff. Svekket somatisk helse og dårleg ernæringstilstand kan medføre auka fare for overdose. Ein dose som ein person ein dag tåler, vil ein annan dag, med nedsatt allmenntilstand, kunne føre til større overdosefare. Helsedirektoratet tilrår at helsetenesten generelt og særleg lågterskeltiltak på rusmiddelområdet bistår og påverkar brukarane for å betre ernæringstilstanden. I andre kommunar er ernæring og gratis måltid til rusmisbrukarar eit viktig satsningsområde. Mottaks- og oppfølgingsentra (MO-sentra) og Strax-huset i Bergen kommune serverar 3 gratis måltid kvar dag. Vi ynskjer å kunne tilby våre brukara eit likeverdig tilbod som omegnskommunane, då er eit gratis varmt måltid ein viktig del av tilbodet.

Levering av måltid heim og fullkost i omsorgsbustad pluss for eldre

Alver har tilbod om heimlevering av middag, dessert, og brødmåltid (frukost, lunsj, kvelds). For dei som bur i omsorgsbustad pluss for eldre er det tilbod om full kost/ felles kost, som inkluderer tre måltid kvar dag og kaffimat. Prisar for 2021 er:

Måltid til heimebuande	Pris
Frukost/lunsj /kvelds	50 kr. pr porsjon
Middag (vanleg porsjon)	88 kr. pr porsjon
Liten porsjon middag	73 kr. pr porsjon
Dessert	13 kr. pr porsjon
Full kost/ felles kost med vanleg porsjon middag	180 kr. pr dag



Prisane for heimlevering av mat er til sjølvkost, og inkluderer kjøkkenet og heimetenesta sine kostnader, sjå tabellen under.

Kostnad pr porsjon	Råvare-kost kjøkken	Emballasje-kost kjøkken	Personal-kost kjøkken	Transport kjøkken	Sum kjøkken	Transport heime-tenesta	Sum total
Middag	33	7	20	20	80	16	96
Dessert	6	3	4	-	13	-	13
Frukost/lunsj/kvelds	8	7	15	20	50	-	50

Heimetenesta sin leveringskostnad er 16 kr pr. porsjon middag. I betalingssatsane er kostnaden fordelt med 8 kr for vanleg porsjon og 8 kroner for halv porsjon middag. Det er svært få/ingen som har heimlevering av brødmåltid (frukost/lunsj/kvelds) Det er difor ikkje berekna leveringskostnad på brødmåltid.

I tidlegare Lindås kommune fekk alle som hadde middag med dessert. For 2021 vert dette endra. Årsaka er at det er fleire som betaler for dessert som dei ikkje vil ha. Det blir betalt for ca. 50 dessertar som ikkje blir levert pr veke til brukarar i tidlegare Lindås kommune. Frå 2021 er det berre dei som vil ha dessert som får dette med middagsleveringa. Prisen på middag og dessert er difor differensiert. For dei som ikkje ønskjer dessert vert difor prisen på middag lågare i 2021 enn i 2020.

Eldre som bur i omsorgsbustad pluss får tilbod om full kost /felles kost. Dette omfatter frukost, middag, eit kaffimåltid og kvelds. Til grunn for berekning av betalinga ligg kostnaden for to brødmåltid (frukost og kvelds) og vanleg porsjon med middag for 30 døgn per måned. Heimetenesta har ikkje kostnader med heimelevering av full kost, slik at porsjonsprisane er basert på kjøkkenet sine kostnader. Det vert ikkje tatt betalt ekstra for kaffimåltidet. Sjølv om enkelte spiser mindre mat enn andre, t.d. halv porsjon med middag, så vil det vere vanskeleg å differensiera på pris. Dette fordi brukarar som et lite ofte får ekstra næringsrik mat/drikke etc, som igjen er dyrare å lage til enn vanleg mat.

Full kost/felles kost	Frukost	Middag	Kvelds	Pris pr dag
Full kost/ felles kost med vanleg porsjon middag	50 kr	80	50 kr	180